

南昌府志

第二十三冊

卷四十一

人物志

仕績

250.13
138

部三二

南昌府志卷四十一

人物

仕績下

明

喻鵬字萬里南昌人嘉靖間由國學生授靈壁縣主簿鵬以能吏理河務河決建草舍購藥具棺安宅流亡陞蕭縣

縣丞

舊志

萬人傑字望之南昌人嘉靖舉人里有自蜀歸者言洪雅土豪車氏不法號五虎人傑誓曰我令洪雅必殛之後果爲洪雅知縣下車執車氏兄弟五人治以法陞廣西象州知州聞父喪徒跣而歸子煥嘉靖丙午舉人

舊志

趙惟興字本張南昌人嘉靖舉人任桐廬知縣嘗均徭役設粥賑饑歲旱露宿而禱擢承天尹出帑以援漂沒築隄

南昌府志

卷四十一

人物

明仕績下

一

以障洋沙巨璫不敢撓邑有權鹽羨金用以貸貧民之輸一日惟興外出適署內乏炊遣人告之惟興報曰民有宿糧官無晨炊不亦樂乎卒無以爲殮

舊志

唐堯臣字士良南昌人嘉靖舉人授湖州府通判遷桂林府擒土酋號蕭公者赦而資之令捕盜以償罪蠻亂以甯陞杭州府同知擢浙江按察僉事備兵台嚴料理軍餉倭至堯臣以威繼光兵連破之增俸級一等尋歸

省志

孫世祐字元吉豐城人嘉靖進士授行人司副陞刑部員外擢僉事備兵海北陞雲南參政轉湖廣左布政總督蘇松糧儲巡撫滇南先是土官豪恣數爲亂世祐約黔兵同緝捕猾諸難悉平土官襲蔭補例詣京世祐請就近勘驗以結送部晉工部侍郎調刑部侍郎卒賜祭葬

舊志

江滿字謙之進賢人嘉靖進士任巴陵知縣明敏善斷他邑有疑獄輒訴之立爲分割郡守常微行至階下觀其聽斷洎歸語於族曰我在巴陵飲一杯水耳陞部郎轉柳州知府時猺獞洞長負固縱恣不法滿聞其病目且劇乃僞爲醫者教以靜攝屏左右坐幽室中遂手刃之置其首於藥笥而歸羣獞駭服以功擢參政滿懲激不能容物一時風節足尙焉

舊志

熊漢字宗之南昌人嘉靖舉人任上虞知縣民有訟惟以理論不行鞭扑嘗有富人兄弟爭產前吏中其賄十餘年不決漢至各納其金出富人兄弟於庭出示之曰所爭無幾與其飽官曷若厚骨肉也還其金皆感泣相讓期年卒於任百姓哀之

舊志

南昌府志

卷四十一

人物

明仕績下

二

黃國用字良弼豐城人嘉靖舉人知惠安縣旱禱雨隨車至再補東明清砦岩盜平河北差政以卓異擢御史按兩淮鹽政疏濟邊實商恤竈弭盜安民五事報可復巡河河決房村請濬草灣以開河道疏徐呂二洪以上支溝以殺河勢果效巡京畿東敞闢芮景賢奏其遣牌送劉最謫判嘉定再知欽州卒於官

舊志參明史桂萼傳

朱憲章字良範進賢人嘉靖進士授行人擢兵科給事中轉戶科西海子方造龍舟費至鉅萬憲章疏諫凡兩上遂停役出爲四川按察副使福建參政告歸與羅洪先唐順之往還論學晚更好易推本爻繫之旨多所發明

省志

廖天明號東溪奉新人彤之孫嘉靖進士授行人奉命冊封楚藩饋以金不受擢刑科給事中以言事謫外尋除吏

部考功司員外郎出爲邵武知府遷貴州兵備副使撫輯
峒苗威惠並著需次當遷以疾乞歸卒

舊志

黃炯字文實豐城人嘉靖舉人授武岡知州州治多宗藩
長吏每苦掣肘炯悉裁以法以廉明著歲大祲加意賑恤
民房失火幾及公堂拜而籲天風立反遷温州府同知溫
瀕海倭警正劇督餉治兵皆有法轉山東運同尋陞慶遠
知府臨行上帑羨千餘更請曰此非常例能不爲代至者
妨乎炯曰吾知有公不知有他也土官韋奇邦叛炯至設
機擒戮郡境安堵以勞瘁卒於官

舊志

劉建字茂中豐城人嘉靖舉人任汀州推官汀民以虛糧
爲累建條議履畝清丈積困頓甦補青州知府殲顏神鎮
劇盜均臨朐差徭清操自矢始終如一致政歸卒遺命勿

南昌府志

卷四十一

人物

明仕績下

三

作佛事汀青兩郡俱立生祠

省志

魏良貴字師孟新建人榮幼子嘉靖進士由大理寺正出
知甯波府治值火延燒民居良貴禱之卽反風旱祈霖雨
立蘇枯槁備兵太倉值倭寇猖獗畫策搗其巢寇遁安撫
流離敘功累官副都御史擢操江御史威愛並著

舊志

范慶字元會豐城人嘉靖進士授刑部主事員外郎中論
法明允知蘇州府嚴禁惡俗死而焚其屍者士女喜乘酒
航遊玩日盪湖船慶悉除之陞雲貴副使卒祀鄉賢

舊志

李璣字邦在豐城人嘉靖進士改翰林院庶吉士授編修
陞左中允纂修會典成晉左諭德國子監祭酒南京吏部
侍郎適倭薄京城璣監督正陽門城守指授防禦轉吏部
侍郎兼翰林院學士掌詹事府拜南京禮部尙書致仕平

生樂易洞達不設崖岸人皆庇其德字焉卒祀鄉賢

省志

項璧字文光靖安人嘉靖選貢任常德推官歲荒捐俸賑

濟全活甚眾陞岳州通判治獄無冤濫催科不擾軍民警

服嘗奉檄募兵平江收稅武昌皆著廉幹聲卒於官

舊志

方孟縉字朝儀武甯人嘉靖進士授刑部主事時貴戚張

延齡門客謀不軌事覺問者多不以實聞命孟縉覆勘孟

縉曰張氏大逆苟失出何以示天下竟置之法江西糧艘

向以吳城爲水次軍民滋擾孟縉議改就省兌至今便之

擢刑部員外郎出爲浙江按察司僉事適倭寇爲患調遣

靡甯積勞病卒孟縉性孝母歿廬墓三年後祀鄉賢

省志

蔡密字鹿峰南昌人嘉靖舉人任翁源縣教諭註上考擢

福建清流縣知縣會年饑民多以盜囚者密至曰此饑民

南昌府志

卷四十一

人物

明仕績下

四

也皆縱之立法賑濟民蘇盜亦息學宮苦湫隘密擴數十

楹爲諸生講習地間課以詩偈郡遣吏至無禮密笞之守

怒密曰罪在吏也竟不謝明年解組歸

舊志

彭懋字汝德南昌人嘉靖舉人任順昌知縣聽斷明察豪

吏憚之有兄弟構訟久不決懋爲陳孝友之道感悟泣下

友愛如初他邑有疑獄懋皆奉檄理之多所平反尤加意

課士考滿以母喪去服除補遂安知縣遷武昌同知尋視

府篆時倭寇四出召募土兵悉索無虛日民情騷然懋不

爲動民賴以安以卓異擢南京刑部員外郎晉工部屯田

司郎中出爲廣西僉事備兵桂林其地獠獍雜處懋俘斬

其魁釋餘黨旋以抗直忤當事歸懋事母孝母歿三年不

內寢遇雷雨泣繞墓側竟夕子烺官檢討懋舉人

舊志

葉照字以明南昌人嘉靖戊戌進士任鎮江推官斷十大獄得其情人稱廉明豪右畏服

舊志

周文龍字應乾南昌人嘉靖舉人任茶陵州學正遷襄陽知縣有循聲擢磁州知州任半載翦除巨蠹士民德之性廉介以不受囑託忤當道竟落職歸

舊志

熊炤字有明南昌人嘉靖舉人除固始知縣時霍邱盜起勢甚熾邑與霍接壤炤曰唇齒相依霍寇而固可獨甯乎乃集驍勇直詣霍邱勦除之嘗值歲荒首請上官發粟以賑乃立鄉約設社倉民安之擢嚴州同知左遷興甯縣多惠政以老病歸

舊志

况國奇字子常奉新人嘉靖舉人任句容知縣有豪強犯法國奇按治之事急反以飛語誣國奇坐左遷國奇遂投

南昌府志

卷四十一

人物

明仕績下

五

効歸杜門不入城市

舊志

張希舉字直卿南昌人嘉靖進士授刑部主事家宰熊浹特疏調禮部嚴嵩矯旨不許浹怒曰陞非是調亦非是耶嵩銜之監決江南囚獄遷雲南按察司在滇二年得民心擢湖廣右布政既至楚有蕭良有年十三拜馬首求試希舉以天下士許之後冠南宮又嘗稱張元朴當爲狀元人服其識卒以忤嚴嵩意致仕歸

舊志

姜博字克約南昌人嘉靖進士任溧陽縣知縣擢刑部主事累陞浙江僉事秉性剛直不阿附權貴祀鄉賢

舊志

徐南金字體乾豐城人嘉靖進士改翰林院庶吉士授御史首疏宜早建儲位慎選輔導清軍河南請改歸德州爲府巡按廣西釋冤獄靖江王橫恣劾治其罪勦撫古田諸

猺獞時廣西守令鮮科甲請以進士補雜職微員請以本省人更府用之轉巡撫湖廣值歲祲加意賑恤景府初封請自徵所賜田力爭之以屬有司有貴人侵民田南金執法還之民終其任無敢干者憂歸服闋屢薦不起卒賜祭葬祀鄉賢

舊志

雷達字時漸豐城人嘉靖進士任太平推官攝篆繁昌值歲饑賑活無算擢兵部主事所司郵驛符驗及皇城宿衛士類詭冒不可詰一裁以法人不敢以私干厯員外郎中出任廬州知府陞四川按察司副使轉浙江布政調山西右布政時晉宗室祿俸告匱逵委曲區畫以裕祿給諸路逋課累積奉撫檄按部督催得餉八萬石邊民歡呼曰非雷使君孰活我耶卒於官

舊志

南昌府志

卷四十一

人物

明仕績下

六

雷賀字時雍豐城人嘉靖進士任池陽推官擢南吏科給事中疏劾中官邱得不法擢湖廣參政督太和山事適營繕祠室中官藉以漁獵賀厲禁之擢河南按察司副使遷右副都御史巡撫四川歸甫月餘卒

舊志

樊城豐城人嘉靖間授清平訓導轉泰州學正學有田久廢城至力請之以贍士尋攝州篆州屬海安鎮舊無城倭寇方熾議建城巡撫唐順之檄城營度城疾馳赴鎮集居民諭以禍福眾皆踴躍不二旬城成倭不敢犯

揚州府志
名宦傳

傅炯字朝晉進賢人嘉靖進士授刑部主事改御史巡視南畿銅陵有富豪某家置水獄溺人官吏納其賂不問炯親往廉得之置諸辟陞南京光祿太僕少卿久之海寇剽掠橫恣遣諸將吏緝捕盡殲之遷右副都御史掌計事黜

陟嚴明轉刑部左右侍郎按治楚藩疑獄發其寃陞南京刑部尚書踰年致仕卒祀鄉賢

舊志

張鏊字濟甫南昌人嘉靖進士改翰林院庶吉士授禮部主事遷祠祭司郎中隆興寺火奉命同中人撤大善殿佛像中人欲收其寶幢珠玉以進鏊不可遂燬之出爲浙江提學副使歷苑馬卿轉廣東左布政使陞南京太常大理卿由刑部侍郎超拜尚書掌南兵部致仕家居布衣蔬食四壁蕭然諸子至不能自給

豫章書

雷禮字必進豐城人嘉靖進士授興化推官讞獄多奇中再任甯國擢吏部主事考功郎中坐持法失貴臣意謫大名府通判累陞浙江提學副使領爲文宗第一遷太常少卿順天府尹條馬政民瘼等事俱允行陞工部侍郎敘修

南昌府志

卷四十一

人物

明仕績下

七

天壽山功晉右都御史尋轉尚書命修盧溝河上言宜先濬大河後築長隄詔從之督建三殿功成擢省數十百萬復疏罷營作十數所及鑿池建行殿諸役景藩請荊州權厰河泊官洲執奏國稅不可與王事遂寢尋掌部事晉太子太保階少傅晉太傅柱國賜蟒龍服隆慶初乞休不允時內監多違例題派皇親李偉奉聖柴氏陳乞房價一切報罷之大監滕祥傳造器物禮抗章劾祥并求去疏十七上臺諫交章留鍾侍御疏謂雷禮之去必有不得行其志者卒致仕歸禮嗜學明習朝典著述甚富子滿自有傳

縣志

參明史七卿表及河渠志

熊汲字引之南昌人嘉靖進士授兵部職方司主事轉武庫司員外郎時邊事急汲疏陳邊策論將略大要反覆激

千言尋以事忤嚴世蕃左遷台州推官旋任永州知府州有疑獄前吏皆避嫌三十年不決汲廉其寃立雪之置豪吏及殺人者於法永僻陋士不知學汲爲遷建學宮捐俸延名師訓迪之由是士風丕振調黃州遇世宗大狩近侍多索供給汲獨無所進上知其廉左右譖乃不人擢福建提學疏請羅從彥李侗從祀文廟又建祠甯化祀李忠定公綱自爲之記陞廣東左參政卒崇祀鄉賢

舊志

曾鈞字廷和進賢人嘉靖進士授行人擢南京禮科給事中時四方銀場入不敷出且爲盜藪鈞奏罷之鈞剛廉絕俗首劾罷參贊尙書劉龍已劾翊國公郭勛禮部尙書嚴嵩未幾劾工部侍郎蔣淦延綏巡撫趙錦最後劾操江都御史柴經直聲大震出爲雲南副使故事兩司詣黔國公

南昌府志

卷四十一

人物

明仕績下

八

輒廷謁鈞始正其禮且釐還所侵佔麗江民地遷四川參政轉河南布政使以右副都御史總理河道徐邳等十七州縣連被水患帝憂之促上疏濡之法鈞請濬劉伶臺至赤晏廟八十里築草灣老黃河口增高家堰長隄繕新莊等舊牖閱數月工成進工部右侍郎治河四年改南京刑部右侍郎久之乞歸家居十餘年卒贈刑部尙書諡恭肅

明史本傳

張臬字正野進賢人嘉靖進士任刑部主事以事謫靈川縣丞稍遷甯國同知任閩蜀秦楚藩臬拜右副都御史巡撫四川值五酋自爲雄長謀陷敘州臬檄所部兵討之獲其土目安得祿酋眾悉降尋擢兵部右侍郎提督廣西軍務爲讒所中歸老鍾陵上仍錄其功予廕初臬征五酋時

署南昌武生劉顯爲先鋒識者謂其能將將云

省志

萬虞愷字懋卿南昌人嘉靖進士任無錫知縣治尙寬大擢南京兵科給事中數與守備內臣露章爭事謂營兵不當充私役又謂操江都御史故常與守備參贊列坐而後爲權璫所抑設次西向非是及奏革宣成以來旨功陞襄者若干人任山西左布政使累晉南京都察院右副都御史總督漕儲除京商和買之困又上便宜六事以刑部右侍郎致仕

豫章書

齊譽字文實南昌人嘉靖進士官行人累遷兵科都給事疏請及時起廢官罷山西失守撫臣論權貴占役營軍舉劾將官賢否皆言人所不敢言先是曾銑請復河套上壯之命本兵議行後嚴嵩論銑開邊釁詞連大學士夏言逮

南昌府志

卷四十一

人物

明仕績下

九

銑詣京仇鸞重劾之遂以交結近侍官員例棄市并論言坐本兵及科臣三十餘員廷杖譽被杖幾死謫長汀縣丞秩滿遷永嘉知縣節用愛民編派里遞班次民便之遷南京禮部郎中補湖廣副使備兵郴桂時藍山猺獍反譽率官兵勦捕跋陟險阻蒙犯瘴癘遂得疾事平杖瘡大作足不能行告歸卒祀鄉賢

縣志

按明史曾銑傳載給事中齊譽等見帝怒銑甚請早正刑章帝責譽黨奸避事鐫職調外任

丁以忠字崇

豫章書作從

義新建人嘉靖進士授刑部主事錦

衣衛捕刼盜四人奏下刑部以忠廉其賊僅有一油帑鉤歸其物於失主而釋之錦衣亦服任郎中出守河間時熊尙書浹以直言得罪命官校督解以歸奉梏就道人畏莫

敢近至河間以忠獨郊迎如常且謂詔使曰熊公重臣所坐非大譴向偶失上意耳何至是若不憂殺大臣耶即有福福某當之詔使悟遂破械聽具輿從以行卒護持無恙陞山東按察副使累遷左布政使擢右副都御史巡撫山東屬歲祲萑苻四發下令革冗卒裁其餉佐以贖鍰之羨大賑諸鄉落盜多解散歸命又上言東省多事之後民竄土荒加以折解民兵銀兩爲閭里憂請捐其額從之轉南京兵部右侍郎未幾滿三品俸考績分宜欲留之謝弗應懇疏致政以忠每念父母早世伏臘忌日涕淚沾孺子事伯兄惟謹斗粟尺布不以自私卒祀鄉賢

豫章書

祝文字懋徵甯州人嘉靖舉人授山東臨朐縣教諭邑中乏科第文至訓士有方科名遂起聘典福建文衡再典浙

南昌府志

卷四十一

人物

明仕績下

十

江未及赴當道薦其剛方正直宜擢諫職卽陞南直隸豐縣知縣政尙簡易吏畏民懷甫一年忽云予幼夢神謂我五十以學易註五十作卒予數其殆乎亟治裝歸須臾而卒所著詳書目

州志

杜拯字道濟豐城人嘉靖進士授刑部主事訊武定侯郭勛罪狀出讞廣東河間王聯誣獄株連多人時嚴嵩柄政受賄欲釋聯拯執正不阿卒置重典株連得釋遂忤嵩意下錦衣獄杖謫尋陞郎中廣東少參政福建海道副使時海賊竊發畏其威名遁去轉浙江參政陞廣東左布政道有柘林之變城守惟南門最當賊衝拯乃親守南門首其越城透漏者於法部衛皆股慄所轄庫羨無私取陞貴陽提督都御史土官楊贊作亂獍獠難制拯提兵直搗巢穴

擒戮於市授應天府尹屬縣爭納逋賦有告截單解者縣令詰之曰前尹督征甚急一無至者今截單何也民告曰恐部俞陞去又多浮費其廉明孚信如此陞大理卿南兵部右侍郎轉北工部左侍郎尋以病乞歸居喪哀毀以廬墓卒

縣志

王希烈字子忠南昌人嘉靖進士改翰林院庶吉士授編修累官國子祭酒禮部侍郎改吏部兼侍講學士掌詹事府充經筵日講官嘗攝宗伯事肅府中尉某陰有干謁正色絕之萬曆甲辰典會試居正子落第人服其不私卒贈禮部尚書諡文裕

縣志

蔡國珍字汝聘奉新人嘉靖進士時嚴嵩當國欲羅致門下國珍不應乞爲南刑部主事有盜七十餘人久繫獄得

南昌府志

卷四十一

人物

明仕績下

士

情減釋過半改吏部進郎中出爲福建提學副使以侍養歸遭母喪服除遂不出家居垂二十年張居正既卒朝議大起廢籍仍以故官泣福建遷湖廣右參政分守辰沅洞蠻亂將吏議勦國珍檄諭之遂定陞浙江布政使以右僉都御史提督操江召爲左副都御史歷吏部左右侍郎尋進尚書三殿災率諸臣請修省又倡廷臣詣文華殿請舉皇太子冊立冠婚言必得請方退帝諭曰此大典稍需時耳何相挾若是乃頓首出稱疾累疏乞休家居十三年卒贈太子少保賜祭葬諡恭靖

明史

甘元奎字兩溪南昌人嘉靖拔貢任四川江津主簿縣接播州多盜元奎單騎詣賊巢言我甘主簿也江津城吾城也汝等恣睢邊徼殺戮元元動與全蜀爲讐者恃汝眾耳

且蜀不可讐讐蜀是讐天下蔑王法也讐天下不祥蔑王法不順亡無日矣反覆開諭賊散去一邑獲全祀江津名宦舊志

江治字舜卿進賢人嘉靖進士授刑部主事陞廣東督學所得士如王宏誨袁昌祚馬象乾皆聞人攝鹽運使吏援舊規進羨金千八百兩治卻之曰爲諸生已甘窮約今肯以大吏盜公帑乎卽解藩司充餉未幾晉南尙寶太常卿署應天府陞南京工部右侍郎督織造省一切妄費值軍餉急部帑尙存十五萬卽日起解致仕歸卒諡恭恪豫章書郭希顏字仲愚豐城人嘉靖進士改翰林院庶吉士授檢討擢右贊善疏引七廟四親之制謂獻考當入四親廟而奉孝宗於世室遷武廟於列宮以示姪不祀伯弟不祀兄

南昌府志

卷四十一

人物

明仕績下

三

之義嚴嵩嫌其軋已遂陰撓之旋改中允以考察謫通判稍遷運副使復持往日所著廟議進并劾嵩移疾歸旣家居又上疏略曰往歲讀聖諭欲建帝立儲臣曰立儲難莫若安儲何者君相相信則儲安兄弟相保則儲安父子相體則儲安相信有道釋疑是也相保有道分封是也相體有道總攬是也何謂釋疑自言者倡爲二王面陳嚴嵩之說臣恐二王與嵩皆有疑心皇上何不降德音諭元輔不必疑於王諭二王不必疑於嵩則君臣相信儲可得安也何謂分封二王同處京府智與年長防不豫設聖明早斷及時勅遣親藩就國周其衛翼殊其寵數於制於情似爲兩盡則兄弟相保儲可得安也何謂總攬時事非高枕之日而聖父又非倦勤之年分封之典旣定畱都之意已明

願皇上端拱以順天人從容而議建立則父子相體儲可得安也內外各守屏翰彼此永無嫌疑宮中問省之箋不時而進麾下富貴之想何由而生疏奏坐建帝二字忤旨詔卽江西處斬傳首四方希顏好危言奇策比以廟議故中廢家居發憤指切君臣父子兄弟之間卒受誅死天下傷之隆慶初卹贈光祿少卿予祭廕子

舊志

魏元吉字敬之南昌人嘉靖癸丑進士任黟縣知縣剖疑獄七案邑濱海多盜前令每歲於奏銷時輒被劫銀鞘元吉至吏告之時趨趨風起胥役相戒曰今夕盜必至薄暮元吉具禮服坐廳事鎧燭輝煌盜果至徘徊堂下而去人稱神明擢刑科給事中上疏禁奔競語侵時相遂受命巡邊有汚吏懼罪夜袖金求見叱之論如法遷福建左參政

南昌府志

卷四十一

人物

明仕績下

三

卒以讒被謫辭官歸年五十九卒

縣志

魏元吉禁奔競疏略曰大臣者百官之表也表正則百官皆正矣乃今員缺正多所據推舉責在得人聞之往歲出一缺奔者紛紛殊無濟濟相讓之風各肆夤緣奔取之計俗謂之講搶攘誠可鄙也大臣如此庶官效尤此奔競之風熾廉恥之節微而士習之所以日卑也伏乞勅下吏部自今大臣員缺務求資深望重素稱恬退者方行提舉其有夤緣競進者卽行痛拒益加貶抑以爲之戒至於進退庶官亦宜崇此抑彼恬靜自愛者務加擢用不以其工於鑽刺而卽用則士路允清而士人之心術可正矣

李輔字子卿進賢人嘉靖進士授中書舍人補御史萬厯

初習學南直行部不攜胥役弊蠹一清復刷卷京畿會張居正奪情言路多伺指保留輔獨不與任山東巡撫南京工部尙書輔抗節風憲洊登臺座家無厚橐卒贈太子少

保

縣志

高啟新字德甫南昌人嘉靖舉人任邛州知州築壩闢荒

田除土寇蜀人德之陞衡州府同知歿祀鄉賢

舊志

辜用琥字子西南昌人嘉靖舉人任廣西知府攜一僕自

隨革土司常例省里甲夫馬靖盜息民豪猾斂跡泣政四

載民無欺罔以終養乞歸

雲南志

張尙字立吾新建人嘉靖舉人任建德知縣奏減協濟疲

邑以甦轉山東濮州知州州久困代徵又請革之遷廣東

南雄同知能以方略征倭苗之不靖者累著軍功陞雲南

曲靖知府尋卒於官

舊志

李遜字洪西新建人嘉靖進士累官至廣東督學初任安

慶知府所屬望江縣苦衝疲求協濟於五縣遜曰望苦矣

若協濟則五縣猶望也以郡藏歲省羨金蘇之壽王樞北

還中官乘長吏倉猝借端苛索所在騷動遜先期集諸役

南昌府志

卷四十一

人物

明仕績下

古

以五十人爲甲甲置長資糧屏屨分曹供億頃刻皆定比

至一無需求而去後守永平瑞有奉例采瓜者上下皆畏

懼遜諷之曰事有不虞者三有不可爲計者三詳爲指畫

瑞感謝遂行其他敏決類此所至有惠聲

舊志

萬宗義字克芳進賢人嘉靖舉人初署河南鄧州學正勸

課不輟學例有額貼悉濟弟子貧乏當道交薦典山東文

衡尋知盧龍縣邑例有富戶遠迎怒遣之春秋點馬悉委

幕官卻其陋規釐宿弊撫疲民民咸歌之以父老託病歸

養撫按留之不得行李蕭然

縣志

涂鉉字廷舉豐城人嘉靖進士初授禮部主事轉員外郎

陞四川重慶知府鉉才識敏贍郡大旱民多孳徙調發倉

粟數萬石賑之左遷六安知州未幾罷歸

舊志

雷夢麟字伯仁進賢人嘉靖進士授無爲知州遷工部員外郎除刑部明法律善持平駙馬郎景和失撰青詞且辭賞忤旨坐劾屬夢麟論郎不嫻文學罪在辭賞薄治足矣讞上報可時震位未建御史曾佩復命誤用青表上怒甚疑有譏訕下御史獄夢麟復佐尙書議當調外有旨切責已僅免御史官嘗奏進所著讀律瑣言又條上罪囚永戍者止以戍後生子代伍免行勾原籍議中格後竟行之遷天津兵備副使歷陝西左參政

舊志

熊汝達字德明進賢人嘉靖進士除刑部主事陞泉州知府捍禦倭寇晝夜不解甲者一月遷四川按察副使廣東左布政擢右副都御史巡撫廣東改浙江轉工部右侍郎清約無改素風乞養歸起刑部左侍郎尋遷右都御史掌

南昌府志

卷四十一

人物

明仕績下

五

南京都察院復被劾歸其在泉州時泉人德之爲立生祠

省志

宋國華字崇樂奉新人嘉靖進士知休甯縣貴溪張真人奉命有事於齊雲責供具甚苛國華伺其陰事欲發之張遂謝去陞兵部主事郎中擢四川提學副使以崇氣節敦行誼爲本土習丕變遷雲南參政貴州按察使雲南左布政發黔國賊私逮左右戍邊者三人轉順天府尹卒

舊志

羅文靖字以獻南昌人嘉靖舉人隆慶間任泉州推官郡大姓爲不逞所誣文靖廉其枉立剖之及遷秩大姓感德懷金爲贐卻之復隨至境外乃曉之曰理枉吾職也本不任受德矧受餽耶爾愛我何薄待我也餽者歎服

福建志

李東華字景曉豐城人嘉靖進士授太常博士陞工科給

事中奉命董大役工竣遷禮科都給事嘗上疏有精考課四事理時弊五事皆裨國計年四十卒於官無以爲殮

舊志

陸子嘉字伯孚豐城人嘉靖舉人知竹谿縣邑士鮮明經乃捐俸修學宮設講席嚴考課士有不給輒助之逾年文風始盛有登鄉薦者尋轉河南布政司理問遭疾卒

舊志

熊琦字憲韓南昌人嘉靖進士任滁州知州部民汪孫二姓世仇也孫某忽爲人支解遺刀屍側驗之乃汪某刀吏坐汪以仇琦閱原牘傷皆右向疑之因請於巡撫言事果屬汪不應遣刀屍側巡撫始具題緩決琦鞠汪於庭密令吏捕署外偵者得一人鞠之蓋竊汪刀殺孫而嫁禍汪也又於冬日上謁還見一青蛙於途異之注視若有所訴使吏尾之蛙前導至某家牆遂入就掘之得石硯一私印章

南昌府志

卷四十一

人物

明仕績下

去

一視篆文得方某姓名方某和州人時彭某已誣服殺方琦乃鞠青蛙所導之家一訊而服乃釋彭秩滿遷刑部郎中緹騎陸炳有寵於上從人擾民琦置之法陸銜恨出琦爲廉州知府琦捐俸築包家塘百餘里狼賊入寇琦親冒矢石手刃數十人賊遂潰士民德之擢福建左參政平島寇曾一本以功轉福建按察使賜白金文綺任布政推陞甯夏巡撫未任卒

舊志

胡杰字子文豐城人嘉靖癸卯解元丁未進士改翰林院庶吉士館試時政疏杰疏六事曰謹好尚重將選節冗費容直言抑宗藩廣錄用中有近習挾符錄讖緯之術坎離龍虎之說妄引巧售以欺等語皆切中時病人所難言授編修冊封楚還二藩盡卻餽遺陞侍讀杰性至孝剛方侃